

OSCE i OHR traže kompletiranje revizije nadovjerenih ugovora

OHR i OSCE žele izraziti svoju zabrinutost zbog činjenice da komisije za reviziju nadovjerenih ugovora u periodu od 1992 do 1998, iako su zvanično imenovane u gotovo cijeloj BiH, uglavnom još nisu počele efikasno funkcionirati. Kako bi potpomogli proces revizije, OHR i OSCE žele stoga jasno navesti sve što u ovom pogledu očekuju od organa vlasti na svim nivoima. Proces revalidacije je sustinski bitan jer još uvijek postoji značajan broj ilegalno dodijeljenih stanova koje niko ne traži, i koji trebaju biti dostupni kao alternativni smjestaj.

Ambasador Donald S. Hays, prvi zamjenik Visokog predstavnika, i ambasador Robert M. Beecroft, šef Misije OSCE-a, uputili su, 26. jula 2002. godine, pismo premijeru Federacije BiH i predsjedniku Vlade Republike Srpske s naglaskom na hitnost zakonske revizije nadovjerenih ugovora. U pismu se, u nekoliko tačaka, ističe šta je to što OHR i OSCE konkretno očekuju od organa vlasti u BiH na svim nivoima, u pogledu postivanja i primjene gore navedenog.

Osim toga, OHR i OSCE traže, od organa vlasti odgovornih za ovo pitanje, da odmah poduzmu odgovarajuće mjere kako bi se osigurala naknada svima koji su radili u procesu revizije, ukoliko je premasen obim njihovih redovnih poslova i zadataka.

Nemogućnost rješavanja ovog pitanja u mnogim je slučajevima blokirala rad komisija za reviziju. Ovim je direktno ugrožena mogućnost organa vlasti na entitetskom nivou da ovaj proces privedu kraju u zakonom predviđenim rokovima.

OHR i OSCE traže od entitetskih organa vlasti da pokazu svoje

opredjeljenje za vladavinu prava i kroz rjesavanje ovakvih pitanja, i da ubrzaju dovršavanje procesa revizije nadovjerenih ugovora.